

u' discitàle

L'ha mann't carmela "Jatta acrest"
mercoledì 14 aprile 2010

7 e 30 di mattina, Caitàne entra in cucina dove l'odore di caffè lo mette di buon umore, ma…

“Caità, a talevisiòne no' se vede ‘bbòne...
“te l'è mise l'occhiàle?
“nossignore, no ne tènge bisogne ije…. Tu 'mbèce, nònge vide ca se vède tutte furmichele furmichele?
“ e fatte a croce almène Cìò! Come t'è curcàte t'è azàte…. aiere sere m'è fatte sbattere menz’ore cu sta benedette andènne, girela de ddà e votela de qua…
“e no è conchuse niente…. Ca ‘ no me siende mai. Ije t'hagghie ditte ca ‘mmere u’ siderurgiche nonge scève ‘bbone, ma niente, tignùse accòme si addà l'è mise e mò se vede sfocàte… mènna…. No a vè aggiùste st’andènne…
“Cìò, l'andènne è vecchie! ….. ‘nge vo' cangiàte! …. come te l'hagghia dicere ….

Mentre si veste per uscire borbotta " Ma vide tu ci une s'ha ‘ntussecà u’ sànghe a prima matine…… ed esce sbattendo la porta.

Ciòdda si mette il cappotto per andare a fare la spesa. Per strada incontra la sua vicina Sisina
“ Cìò, vè tost’ e tese a prima matine… c’è ha successe? Probleme…?

Intanto entrano in salumeria, a putèije de Mingùccio
“ no… a talevisiòne no se vede ‘bbone e Caitàne s'ha ‘ncazzàte …e se n'ha sciùte ruscènne ruscènne, … ije vulève sulamènte cu aggiustàve l'andènna…. “ Niziarije, me credève c’è ere…. ma nònge tenite u’ discitàle?
“come no?, chiù di une…..

Mingùccio u’ putiàre sta ascoltando e dice la sua

“… e allora … lasse stà l'andènna, pe risolvere le probleme t'ha mettere u’ discitàle e vè tutte appòste
“averamente?
“com'è l'hanne ditte pure a telavisiòne.....siende a nuije. Mittete u’ discitàle e po’ ne dice…

Ciòdda fa la spesa, saluta e si avvia a casa a passo sostenuto. Non vede l'ora di provare…..
Appena arriva a casa comincia a cercare u’ discitàle, ne trova uno in un cassetto in cucina … lo mette …… accende il televisore e ….. “nàààà, averamènde… se vède ‘bbuène! …

Tutta contenta si affaccia al balcone per chiamare la sua dirimpettaia “Sisinaaaaa! … Sisi …. Hagghie mise u’ discitàle e mò a telavisiòne se vède perfette, limpida v…. “E viste! U’ sapève ije….. megghie accusi v&

Ciòdda rientra in casa e comincia a cucinare guardando i suoi programmi preferiti… e ogni tanto commenta ad alta voce
“ ahaaa, quiste no le pòzze vedè…. Santi Lichene e Lagostina erene giudece no qui…” cambia …

Intanto rientra Caitàne e sente Ciòdda canticchiare … “che buon profumino dammi un assaggino che…“
Si affaccia in cucina e nota con sollievo che il “problema antenna” è superato

“Tuttappòste? … no me dicere ca e sciùte sùse pe girà l'andènne…
“ nooo! c’è cose…. e viste? e senza cangià l'andènne … azzietete ca è prònte

Mentre mangiano Caitàne domanda “ Cìò ma c’è stè cùse?
“Niente Caità. Da mò ca no pigghie n’aghe ‘mmàne!
“niente? …vabbè …ma armène mò ca stè mangiàme tu putive levà u’ discitàle?
“ naaaa….e po’ com’ a vedime a televisione …
“piccè t'è mise u’ discitàle pe vedè a telavisiòne? …… cose de diàvele so’ …
Cìò ma te siende ‘bbone?
“ No numenà u’ diàvele ca stàme ‘ntàvele!..... Stamatine Sisine e Mingùccie u’ putijàre m’hanne ditte ca pe vedè a telavisiòne bastave ca mettève u’ discitàle …. Me l'hagghie mise e …. Se vède ‘bbuène, si o no?

Proprio in quel momento il video ritorna sfocato.

Caitàne comincia a ridere “ s’ha uastàte u’ discitàle …. Portele indietre ci tiène a garanzije ca tu càngene…..

“ ride ri…..

“Ca ci ne cumbine une rèta l’òtre … Ma come te dice a càpe… u’ discitàle ca dicèvene Sisìne e Minguccie no jhè quidde ca puèrte a u’ discete… ma quedda scatela nera ca figghieta ‘Ntunùcce t’ha rialàte a Natàle …

Mo ca fenìme de mangià va pigghiela ca l'attaccàme

E Ciòdda dignitosamente sorpresa…. ” ahaaaa quidde è u’ discitàle?

e con la rabbia dell'orgoglio ...” Mbè però pure u’ mije ha funzionate fine a mò!!!!

Carmela